



MUNGIK
UDALA

MUNGIAN BELDUR BARIK! 2015



MUNGIKAKO UDALAK, BERDINSAREAREN laguntzarekin, aurten Beldur Barik Jarrera! Saria bosgarren edizioan antolatzen du. Lehiaketa honetan, emakumeek jasaten duten bereizkeria-egoerari aurre egiten dioten neska-mutilen arte-adierazpen mota oro onartu, baloratu eta bultzatuko da. Lan horiek errespetuan, berdintasunean eta autonomian, erantzukizun-kidetzan era indarkeria sexistaren gaitzespen irmoan oinarriturako jokabide eta jarrerak izan behar dituzte.

Parte hartzen duten proiektuek Beldur Barik jarrera islatu behar dute. Emakumeen aurkako indarkeria mota guztiak gainditzeko, eta harreman libre, errespetuzko, parekide, dibertso eta ez-sexistak eraikitzeko konpromiso pertsonal eta kolektiboa erakutsi behar dute. Kalitate tekniko eta artistikoen gaitetik, mezuaren kalitatea baloratuko da, nesken ahalduntzetik gogoetak eta eztabaidak sortzeko gaitasuna, eta mutilen konpromisoa matxismoaren aurka.

Beldur Barik programa Azaroaren 25aren (Emakumeen kontrako indarkeriaren aurkako Nazioarteko Eguna) inguruko kanpainari lotuta dago. Herri mailan Mungia Udala antolatzen du. Erkide Autonomoan, seigarren edizioa antolatzen da eta ondoko instituzioen euskarria dauka: Emakunde, euskal diputazioak, Berdinsarea eta Eudel, Euskal Herriko Unibertsitateak (UPV/EHU), Eusko Jaurlaritzako Hezkuntza, Hizkuntza Politika eta Kultura Sailak eta EITB-k laguntzen dute.

NORI ZUZENDUTA DAGO?

Herri Lehiaketa, Mungian bizi edo Mungia ikastetxeetan ikasten duten neska-mutilei zuzenduta dago. Herri mailako sari hau, 12 eta 17 urte arteko neska-mutilentzat dago zabalik.

Lehiaketa orokorra, Euskal Autonomia Erkidegoko 12 eta 26 urte arteko neska-mutilek parte hartu ahal dute.

Banaka zein taldeka parte hartu ahal da, ikastetxe gisa, ikasgela gisa edo elkarte gisa.

Lehiaketa bietara (Mungia lehiaketara eta Euskal Autonomia Erkidegoko lehiaketara) aurkeztu daiteke lan berbera. Beraz, lehiaketak ez dira baztertzailak nahiz eta oinarriak ezberdinak izan.



ZE EDUKI BETE BEHAR DIRA? ZER DA BELDUR BARIK JARRERA?

1. Emakumeen aurkako indarkeria mota guztiak gainditzeko, eta harreman libre, errespetuzko, parekide, dibertso eta ez-sexistak eraikitzeke konpromiso pertsonal eta kolektiboa erakutsi behar dute.
2. Neskak ahalduentzeko eta beraien autodefentsarako gogoetak eta eztabaidak sortzen dituzten mezuak.
3. Mutilek, banaka nahiz taldean, ezberdintasunezko era indarkeriazko egoeren aurrean jarrera aktibo eta konprometitua dutela erakusten duten mezuak. Sexismoaren aurkako jarrera aktiboa eta arduratsua sustatzen dituzten mezuak, korporatibismo maskulinoarekin haustearekin batera.
4. Indarkeriaz hitz egiterakoan, estereotipoak gainditu behar dira. Hau da, ez da bikotekidearengandik edo bikotekide ohiarengandik datorren indarkeria fisikoaz bakarrik hitz egin behar. Balioetsiko da jende gazteak egunerokoan bizi dituen indarkeria sexistaren adierazpenak, testuinguruak eta espazioak identifikatzea.
5. Beldur Barik Jarrera proposatzea indarkeria matxistaren aurrean, drama, sentzazionalismoa edota emakumeak biktima baliogabetu gisa aurkezten dituzten mezuak gaindituta.
6. Ikusgarri egitea ezberdintasunak indartzen dituzten faktoreak, eta baita kultura matxistak erabiltzen dituen indarkeria mota desberdinak ere.
7. Estrategia argiak proposatzea ezberdintasunei zein indarkeria sexistari aurre egiteko.
8. Originalak izan behar dira, bai tonuan, bai gaian bai mezua emateko moduan.

ZERI ALDE EGIN ETA ZERI EKIN BEHAR DIOGU?

Ahalegina egin behar dugu indarkeriari buruzko kanpainetan azaltzen diren estereotipoetatik aldentzeko (indarkeria fisikora mugatuta eta erasoarekin jostaraziz, emakumea biktima bilakatzen baitzuten). Horren ordez, irtenbidea bilakatzen ekin diogu, ikuspegi positibo batez, beharrezkotzat jotzen baita emakumeen jabekuntza bultzatzea eta adin guztietako herritar guztien inplikazioa lortzea, gizonena ere bai. Hau dela eta aurten ere bai, Lehiaketa honetan, gure herriko neska mutilen parte hartzea behar dugu.



MODALITATEAK

Proiektu guztiak ikus-entzunezko formatuan aurkeztu behar dira. Adierazpen artistiko mota oro onartuko da, baldin eta ikus-entzunezko formatuan aurkezten bada (telefonoarekin egindako grabaketak balioa dute): flashmob, kamera aurrean errezitatutako poemak edo irakurritako gogoeta-testuak, bideoklipak, argazkiak, argazki-muntaiak, fotonobelak bideoan jasota, lipdubak, dantza grabatua, film laburrak, animazio proiektuak, proiektuak edo artelanak bideoan aurkeztea, performanceak eta kaleko esku hartzeak, graffitiak edo muralak bideoan jasota...

KATEGORIAK

"Mungian Beldur Barik" herri lehiaketa

- 1. kategoria 12-14 urte
- 2. kategoria 15-17 urte

Taldearen barruan, gazteren batek 14 urte baino gehiago baditu, zuzenean lana 2. kategoriara pasatuko da. Gazteren batek 17 baino gehiago baditu, Euskal Autonomia Erkidegoko lehiaketa orokorrean parte hartu ahal izango du (2. kategorian).

"Beldur Barik Jarrera" lehiaketa orokorra

- 1. kategoria 12-17 urte
- 2. kategoria 18-26 urte

Taldearen barruan, gazteren batek 17 urte baino gehiago baditu, zuzenean lana 2. kategoriara pasatuko da.

Lehiaketara orokorrera aurkezten diren 18 urtetik beherako gazteek, oinarri hauekin dauden 1. eranskina (amaren edota aitaren baimena) edo 2. eranskina (ikastetxearen baimena) bete eta aurkeztu behar dute.

Pertsona eta talde bakoitzeko gehienez 3 proiektu aurkeztu ahal dira.

AURKEZTEN DIREN PROIEKTUEK BETE BEHAR DITUZTEN BALDINTZAK

- ☺ Proposamenek lehiaketaren helburuari erantzun behar diote: indarkeria sexista prebenitzea. Proposamenean edukiek helburuarekin zerikusirik ez badute, edo horren aurka egin zein kalterakoak badira, lehiaketaren antolatzaileek lana ez onartzea erabaki dezakete.
- ☺ Proposamenak originalak izan behar dira, hau da, inori plagiatu edo kendu gabekoak. Horren susmorik badago, autoretza frogatzeko eskatu ahalko da.



MUNGIK
UDALA

- ☺ Beste jaialdi edo lehiaketa batzuetan aurkeztutako proiektuak ezin dira hemen aurkeztu.
- ☺ Piezak euskaraz, gaztelaniaz, bietan, edo beste hizkuntza batean aurkeztu ahal dira (azken kasu horretan, euskarazko edo gaztelaniazko azpitituluekin).
- ☺ Proiektuak gehienez 5 minutu iraungo dute, kreditu-tituluak barne.
- ☺ Musika edota irudiak erabiliz gero, egile-eskubiderik gabekoak erabiltzea gomendatzen dugu (hau da, copyleft lizentzia daukatenak, edo zuek sortuak direnak). Egile-eskubideak dauzkan abesti edota irudiak erabiliz gero, bideoa igo den plataformak bideoaren aurkako neurriak hartzeko arriskua bere gain hartuko du parte hartzaileak. Era berean, egiaztatzen bada jabetza intelektualaren araudiaren urraketa sortu dela, antolakuntzak lana ez onartzea erabaki dezake.
- ☺ Proiektu guztiak ikus-entzunezko formatuan aurkeztu behar dira, bideo-plataforma baterako esteka bat jarriz (Youtube edota Vimeo) [Bideoa Youtubera igotzeko <https://support.google.com/youtube/answer/57407?hl=es> kontsultatu. Vimeorako <https://www.youtube.com/watch?v=x-IKJcSj0aw>]

LEHIAKETA HASI ETA IXTEKO EPEA

Lanak 2015eko irailaren 11tik aurrera aurkezteko aukera dago. Lehiaketa ixteko epea, 2015eko azaroaren 11 da (24:00etan).

SARIAK

“Mungian Beldur Barik” herri lehiaketa

- 1. kategoriako SARIA banakako lanarentzako (12-14 urte) 75 €
- 1. kategoriako SARIA taldeko lanarentzako (12-14 urte) 200 €
- 2. kategoriako SARIA banakako lanarentzako (15-17 urte) 100 €
- 2. kategoriako SARIA taldeko lanarentzako (15-17 urte) 250 €

“Beldur Barik Jarrera” lehiaketa orokorra

- 1. kategoriako SARIA (12 – 17 urte) 500€
- 1. kategoriako AIPAMEN BEREZIA (12 – 17 urte) 300€
- 2. kategoriako SARIA (18 – 26 urte) 500€
- 2. kategoriako AIPAMEN BEREZIA (18 – 26 urte) 300€
- SARIA ikus-entzunezko ekoizpen onenari * 300€
- Herriaren SARIA** 300€



MUNGIK
UDALA

* Ikus-entzunezko ekoizpen onenaren saria Beldur Barik Jarrera! mezua adierazteko kalitatezko baliabideak edota kode artistikoak erabiltzen dituen lanari emango zaio (bi kategorietako edozeinetan aurkeztua). Lehiaketako antolakuntzak saria hutsik izendatzeko eskubidea du.

**Herriaren saria bi kategorietako edozeinetan aurkeztutako lanei ematen zaien saria da. Lan horiek Beldur Barik Jarrera! lehiaketako antolatzaileek aurretik hautatutakoen artean egon behar dira.

IZEN-EMATEA

“Mungian Beldur Barik” herri lehiaketa

Deialdi honetan parte hartzeko interesa duten pertsona edo taldeek bideoaren link-a (Youtube edo Vimeo formatoan) e-mailez bidali beharko dute: berdintasuna@mungialde.eus helbidera. Bideoaren barruan, parte-hartzaile guztien izen eta abizenak, kategoria eta udalherria adierazi behar dira. Posta elektronikoa gainerako informazio hau ere erantsi behar da:

Parte hartuko duzun/duzuen kategoria:

Proiektuaren izenburua:

Parte-hartzaile guztien izen abizenak eta adina:

Ikastetxearen izena:

Harremanetarako pertsonaren izena:

Harremanetarako pertsonaren helbidea:

Harremanetarako telefono-zenbakia:

E-maila:

Web & Facebook & Tuenti link (aukerazkoa):

“Beldur Barik Jarrera” lehiaketa orokorra

Deialdi honetan parte hartu nahi duten pertsonak osorik bete beharko dute www.beldurbarik.org webgunean dagoen formularioa (lehiaketaren atalean, oinarri hauekin batera). Behin formularioa beteta eta plataforma bidez igorrita, mezu bat azalduko da WEB gunean adieraziz izen ematea modu egokian egin dela. Horretaz gain, erantzun automatikoa bidaliko da erraztutako email helbidera baieztatzeke lana jaso dela. Dena den, lehiaketan parte hartzeko baldintza guztiak betetzen direla egiaztatu arte, Beldur Barik Jarrera!-ko antolatzaileek ez dute lana Beldur Barik webgunean ez eta sare sozialetan ere, erakutsiko.



Beste betekizun batzuek:

- Lehiaketara aurkeztutako edozein proiektutan 18tik urtetik beherakorik egotekotan, oinarri hauetako 1go eranskina egoki bete eta aurkeztu beharko du. Taldeko lana eskola edo ikasgela gisa aurkezten bada, 2. eranskina erantsi web bidezko formularioan. Dokumentua betetzearen ardura zentroarena izango da, kontuan izanik ikastetxea dela adingabekoen baimenak kudeatzearen arduraduna. Lana elkarte edo gazte-leku gisa aurkezten bada, jardueraren arduradunak jaso behar ditu baimenak eta denak batera bidali.
- Pertsonaren edo taldearen izena, kategoria eta udalerrria bideoaren barruan edota Youtube edota Vimeo plataformetako deskribapenean adierazi behar dira.
- Sinatutako baimenak web bidez betetako formularioan erantsi beharko dira, dagokion atalera igota.

EPAIMAHAIA

“Mungian Beldur Barik” herri lehiaketa

- Mungiako Udaleko antolakuntzak izendatuko du epaimahaia, emakumeenganako indarkeriaren borrokan eta berdintasun-politikak sustatzen inplikatur dauden pertsonekin. Epaimahaiaren erabakiak apelaezinak izango dira.

“Beldur Barik Jarrera” lehiaketa orokorra

Antolakuntzak epaimahai bat izendatuko du. Epaimahaia osatzen duten pertsonak proiektu honi lotutako erakundeetako ordezkariak, eta sormenaren, kulturaren eta hezkuntzaren munduetako eta berdintasun politiken alde eta emakumeen aurkako indarkeriaren kontrako borrokan aritzen diren emakume feministak osotuko dute. Epaimahaiaren eginkizuna da bi kategorietan aurkeztutako lanei buruz eztabaidatzea eta proiektu irabazleak zein aipamen bereziak hautatzea.

Epaimahaiaren erabakiei ezin izango zaie aurka egin.



EPAIA ETA SARI BANAKETA

"Mungian Beldur Barik" herri lehiaketa

Epaimahaiaren epaia 2015eko azaroaren 20an emango da ezagutzera. Epaia zuzenean jakinaraziko zaie irabazleei eta www.mungia.org webgunean argitaratuko da.

Sariak Olalde aretoan banatuko dira, Emakumeek jasaten duten Indarkeriaren kontrako Nazioarteko Eguna dela eta ekitaldi berezi batean. Ekitaldiaren eguna eta ordua, Azaroaren 25erako antolatutako jarduerekin batera ezagutzera emango dira.

"Beldur Barik Jarrera" lehiaketa orokorra

Proiektu irabazle guztien epaia jakitera emango da azaroaren 28an, AMURRIOko udalerrian ospatuko den Beldur Barik topaketan.

Bestalde, herriaren saria herri bozketa bidez izendatzeko funtzionamendua honako hau izango da:

- Epaimahaiak alde aurretik egingo du aurkeztutako bideoen aukeraketa bat, Beldur Barik Jarrera irizpideak, oinarrien lehen puntuan jasota datozenak, modu egokian adierazten dituzten lanekin, hain zuzen ere. Horiek izango dira herri bozketara pasatuko diren lanak.
- Herriaren saria irabaziko du azaroaren 25eko 23:59tan bozka gehien lortu dituen lanak. Data eta ordu horretan bozketa prozesua itxi egingo da.
- Bozketa Beldur Barik webgunetik jarraitu ahal izango da eta Facebook, Twitter eta Instagram bidez hedatuko da.
- Herria saria irabaziko du azaroaren 25ean, 23:59etan, boto gehien eskuratu dituen lanak irabaziko du.
- Prozesuan irregulartasunik aurkitzen bada (webguneko hackeoa, email masiboak sorrarazteko aplikazioen erabilera, webgunearen identitatearen ordezkapena), herria saria hutsik gera liteke.

LEGE-ALDERDIAK

"Mungian Beldur Barik" herri lehiaketa

- Mungia Udalak erreserbatuta du lehiaketa behar bezala garatzea ahalbidetzeko eta indarkeri sexista prebenitzeko helburua lortzeko, oinarri hauek aldatzeko eskubidea.
- Partaide bakoitzak Mungia Udalari aurkeztutako proposamenak erreproduzitzeko eskubideak ematen dizkio, katalogoak, kartelak eta/edo sustatzeko piezatan erabiltzeko; horrez gain, www.mungia.org webgunean eta tokian tokiko nahiz modu orokorrean sare sozialetako komunikazio-kanalean proposamenak argitaratzeko baimena ere ematen dio.
- Mungia Udalak sariak hutsik utz ditzake.
- Mungia Udalak erreserbatuta du eskatutako datu guztiak jasotzen ez dituen edo lehiaketaren baldintzak betetzen ez dituen hautagaiak baztertzeko eskubidea.



MUNGIK
UDALA

- Lehiaketaren antolakuntzak ez ditu bere gain hartzen pertsona parte hartzaileek bidaltzen dituzten eta hirugarren pertsonen egiletza eskubideak urra ditzaketen proposamenak; horrekin lotuta, erreklamazio kasuan, hirugarren pertsona horiek izango dira erantzule bakarrak.

“Beldur Barik Jarrera” lehiaketa orokorra

Lehiaketako pertsona parte hartzaileek beren ikus-entzunezko proiektuen eskubideak dohainik lagatzen dituzte komunikazio publikorako, erreproduktzioarako, hedapenerako eta eraldaketarako, Beldur Bariken katalogoetan, karteletan edota sustapen-piezetan jartzeko, baita proposamenak www.beldurbarik.org webgunean eta sare sozialetako komunikazio kanalean erakusteko ere, maila globalean nahiz tokiko mailan.

Antolatzaileek eskatzen badute, parte hartzaileek beren lan edo proposamena Beldur Barik Topaketan erakutsi, antzestu edo aurkeztuko dute.

Lehiaketako antolatzaileek ez du erantzukizunik bere gain hartzen baldin eta bidaltzen zaizkion proposamenetan inoren egile-eskubideak urratzen badira; bideoa bidali dutenek izango dute erantzukizun osoa, erreklamaziorik baldin badago. Era berean, parte hartzaileek beren autoretza frogatu beharko dute antolatzaileek hala eskatuz gero.

Lehiaketaren antolatzaileek sariak hutsik utz ditzakete.

EMAKUNDEK, indarrean dagoen **Datu Pertsonalak Babesteari** buruzko abenduaren 13ko 15/1999 Lege Organikoa betez, jakinarazten dizu zuk emandako datu pertsonalak Emakunde-Emakumearen Euskal Erakundearen jabetzako datu pertsonalen fitxategi automatizatuetan sartuko direla. Fitxero honetako datuen erabilera bakarra, zeinak ez diren esleituko hirugarren batzuei, Emakunde-Emakumearen Euskal Erakundera mugatzen da. Nahi baduzu datuak eskuratzeko, zuzentzeko, deuseztatzeko eta aurkaratzeko eskubideak gauzatu ahal dituzu, Legean aurreikusitakoari jarraituz. Horretarako Emakunde-Emakumearen Euskal Erakundera jo dezakezu (k/ Manuel Iradier 36, 01005 Gasteiz).

INFORMAZIO GEHIAGO

Jarri harremanetan Mungia Udaleko Berdintasunerako Zerbitzuarekin, telefono zenbaki honen bitartez: 94.674.10.43 edota E-mailez: berdintasuna@mungialde.eus

Gainera, lehiaketa orokorrari buruzko informazioa www.beldurbarik.org webgunean aurkitu dezakezu.

1. ERANSKINA



AMAREN EDOTA AITAREN, TUTOREAREN* BAIMENA ADINGABEKOEK BELDUR BARIK LEHIAKETAN PARTE HAR DEZATEN.

LEHIAKETAN PARTE HARTZEN DUEN PROIEKTUAREN IZENBURUA:

.....andreak/jaunak, adinez nagusi,.....zenbakidun NAN duena, eta.....jaunak/andreak, adinez nagusi,.....zenbakidun NAN duena, helbidea.....n dutenak,.....telefono zenbakiarekin,adingabekoaren (.....urte dituena eta.....e-maila duena) ama / aita (edo tutore), eta beraz, legezko ordezkari, diren aldetik.

ADIERAZTEN DUGU

Ohorerako, Norbanakoaren eta Familiaren Intimitaterako, eta Norberaren Irudirako Eskubidearen Babes Zibilari buruzko maiatzaren 5eko 1/1982 Lege Organikoan ezarritakoa betetzeko,

BAIMENA EMATEN DIOGU, BERARIAZ, gure.....alabari/semeari, Beldur Barik Lehiaketan parte hartzeko, emakumeen aurkako indarkeriaren prebentziorako, eta lehiaketaren oinarriak onartzen ditugu.

Ados gaudela adierazteko hori guztia sinatzen dugu

.....n,(e)koaren(e)(a)n

* Gaztearen guraso-ahala duten pertsonak baimena sinatu behar dute (bi badira, biek; zaintza eta babespea guraso bakarrak badauzka, nahikoa da beraren baimena). Izatezko edo zuzenbidezko banantzeen eta dibortzioen kasuetan, zaintza eta babespea dagozkion pertsonak sinatu beharko du.

2. ERANSKINA



IKASTETXEAREN EDO ELKARTEAREN BAIMENA BELDUR BARIK LEHIAKETAN ADINGABEKOEK PARTE HARTU AHAL IZATEKO.

LEHIAKETAN PARTE HARTZEN DUEN PROIEKTUAREN IZENBURUA:.....
.....andreak / jaunak, adinez nagusi,..... NAN zenbakiarekin,
helbidean, telefono-zenbakia eta
.....e-maila dituenak, ikastetxearen
edo elkartearen arduraduna den aldetik, eta adingabekoen familien edota lege-ordezkarien baimena aurretik jasota:

ADIERAZTEN DU

Ohorerako, Norbanakoaren eta Familiaren Intimitaterako, eta Norberaren Irudirako Eskubidearen Babes Zibilarri buruzko maiatzaren 5eko 1/1982 Lege Organikoan ezarritakoa betetzeko,

BAIMENA EMATEN DIEGU, BERARIAZ, Beldur Barik lehiaketan parte hartzeko, emakumeen aurkako indarkeria prebenitzeko antolatua, eta lehiaketaren oinarriak onartzen ditugu.

Ados gaudela adierazteko hori guztia sinatzen dugu

.....n,(e)koaren(e)(a)n